


FABRICA TORQVETI

Idem faciendo, quę tibi complementum & finem 10 gradus huius Scale, ostendet, Deinde seruata eadem circini extensione, pone pedem eius unum ad signaturam tertiam, 20 scilicet quadrantis, reliquum uero, ut iam dictum est, applica lineę A B, faciens rursus, ut ante, notam, quę & ipsa tibi finem 20 gradus ostendit. Eodem modo, eademq; extensione circini age reliquos notando gradus, dum ex integro compleas hanc lineę A B Scalam. Notandum tamen quod de decimis hic exēplificatū est, quod etiam pro singulis gradibus id fieri oportebit. Postremo applicabis hanc Scalam, mediante circino lineę Meridianę, inferioris nempe quadrangularis tabulę, huc ubi numerus in parte eius Septentrionali ab A puncto incipitur, Meridionalem uersus eius tabulę partem pergendo, ubi 90 posita conspiciuntur. Fac insuper ut finis, cuiuslibet, in hac Scala, gradus, foramen recipiat, cui postea acumen stili eleuationis Aequinoctialis immittere possis. Qui quidem stilus quadrantis huius latus A C, longitudinem non excedit. Hunc deinceps tabulę quadrangulæ superiori, scilicet parte eius inferiori rectissimę applicabis, ita tamen, ut illum unā cum acuminē eius, ad omnes & singulos præscriptos gradus, quoties placuerit, mouere possis. Cuius rei argumentum, hac tibi in figura, subijcere placuit.



Dogma

